

He aha te FamilyBoost?

He tiro whānui tēnei pepa meka ki te FamilyBoost, tae atu ki te hunga e taea ana te kerēme me te nui o te moni e taea ana pea te kerēme.

He utu tiaki tamariki hou te FamilyBoost hei āwhina i ngā whānau māaurau ki te utu i te kura kōhungahunga (ECE).

Atu i te Hūrae 2024, mēnā e māaurau ana koe, ka taea e koe te kerēme atu ki te 25% o te utu tiaki tamariki ā-wiki, atu ki te \$975 rānei i ia 3 marama. Ka uru ki ngā utu tiaki tamariki ko ngā utu me ngā ratonga kōwhiri, kua ko ngā koha ka utua e koe.

Ko wai e āhei ana ki te FamilyBoost

Ko te māaurau ki te FamilyBoost ka whirinaki ki te hunga tiaki i te tamariki, te moniwhiwhi o te kāinga tūtahi me te momo tiaki tamariki e utua ana e koe.

Ka whiwhi pea koe i te FamilyBoost mēnā:

- he kaitiaki koe o tētahi tamaiti, ētahi tamariki rānei i raro i te 5 tau te pakeke,
- kei raro i te \$180,000 te nui o te moniwhiwhi o te kāinga tūtahi,
- e utua ana koe i tētahi kaiwhakarato ECE whai raihana, ā
- he kainoho tāke o Aotearoa.

Te nui o te moni e taea ana te kerēme

Mō te whānau ngā kerēme FamilyBoost, kua mā ia tamaiti.

E hāngai ana te whiwhinga e taea ana e koe ki te moniwhiwhi o te whānau.

Ka heke haere te nui o te moni e taea ana te kerēme mō ngā whānau nui ake i te \$140,000 te moniwhiwhi tae atu ki te \$180,000.

| Moniwhiwhi ā-tau a te whānau | Te nui o te whakahokinga moni, ka utua i ia hauwhā o te tau |
|------------------------------|---|
| Atu ki te \$140,000 | \$975 |
| \$150,000 | \$731.25 |
| \$160,000 | \$487.50 |
| \$170,000 | \$243.75 |

Me pēhea te kerēme i te FamilyBoost

Tiakina ngā tārua o ngā nama mai i te kaiwhakarato ECE.

Mena e haere ana te tamariki ki ngā kura kōhungahunga ECE rerekē, me whai nama mai i ia kaiwhakarato ECE.

Atu i te puku o te Hepetema 2024, ka taea e koe te rēhita mō te FamilyBoost i myIR.

Hei rēhita me whai:

- takiuru myIR
- nama IRD mā ia tamaiti e haere ana ki te ECE
- te mōhiohio pēke
- ngā mōhiohio o te hoapiri.

Atu i te 1 o Oketopa 2024, ka taea e koe te tuku te kerēme FamilyBoost mō te 1 Hūrae—30 Hepetema i myIR.

Ngā wā e taea ana te kerēme

E taea ana te kerēme i te Family Boost mō ēnei hauwhā o te tau:

- Hūrae ki te Hepetema
- Oketopa ki te Tihema
- Hānuere ki te Maehe
- Āperira ki te Hune.

Me tuku kerēme hou mō ia hauwhā o te tau.

Te moniwhiwhi a te whānau

Mēnā e whiwhi utu ā-tau me te utu ā-haora koe, ka whakamahia e mātou te mōhiohio moniwhiwhi ki te tātai i te moniwhiwhi ā-whānau. Mēnā he kaimahikuhu koe, ka whakamahia te whakahokinga tāke moniwhiwhi. Me tuku i ngā whakahokinga tāke moniwhiwhi tōmuri i mua i te kerēme i te FamilyBoost.

Mēnā he hoapiri tāu, ka uru tana moniwhiwhi ki te moniwhiwhi ā-whānau.

Ngā whakaritenga tiaki tamariki

E taea ana e ngā mātua kua wehe, e ngā kaitiaki e noho wehe ana rānei te kerēme i te FamilyBoost mēnā:

- e tiaki ana koe i te tamaiti/ngā tamariki i ia rā
- he utu ā kōrua mō te ECE
- he motuhake ngā nama i raro i te kōrua ingoa ake

Ngā pūtea i whiwhi koe i Te Manatū Whakahiato Ora (MSD)

Ka taea e koe te kerēme i te FamilyBoost mēnā e whiwhi pūtea ana koe i a MSD, ā, he utu ECE hoki āu mō tētahi tamaiti o te whānau.

Te whiwhi i ētahi atu pūtea āwhina

Mēnā e whiwhi ana koe i ētahi atu pūtea āwhina hei āwhina ki te tiaki tamariki, ā, he utu anō āu, ka taea e koe te kerēme i te FamilyBoost.

Kāore e taea e koe te kerēme i ngā utu kua utua kētia e tētahi atu pūtea āwhina. Ko tētahi tauira o te pūtea āwhina ko te Pūtea Āwhina a Te Hiranga Tangata

Mō ētahi atu mōhiohio

Hei tiroiro mēnā e māraurau ana koe, ki te whiwhi whakatau tata rānei o te nui o te moni e taea ana pea e koe te kerēme, haere ki ird.govt.nz/FamilyBoost, waea rānei ki a mātou ki 0800 767 287. Mane ki te Paraire mai i te 8am ki te 5pm.



ird.govt.nz

Haere ki tā mātau paetukutuku mō ngā mōhiohio me te whakamahi i ā mātau ratonga, taputapu hoki.

- **Takiuru, rēhita rānei ki myIR** - whakahaerehia ō tāke me ō whiwhinga mā te ipurangi.
- **Ngā tātaitai me ngā rauemi** - whakamahia ā mātou tātaitai, pepamahi me ngā rauemi, hei tauira, hei tiroiro i tō waehe tāke, rapu i ngā rā tuku mōhiohio, rā utu hoki, tātai i tō utu whakaea pūtea taurewa ākongā.
- **Ngā puka me ngā aratohu** - tikiake i ā mātou puka, aratohu hoki.

Kua wareware i a koe tō tuakiri kaiwhakamahi, tō kupuhipa rānei?

Tonoa tuihonotia ēnei i te mata takiuru myIR, ā, ka tukuna atu e mātou ki te wāhitau īmēra e puritia ana e mātou mōu.



Te Kāwanatanga o Aotearoa
New Zealand Government